

Fannar Hilmarsson
fannar@deloitte.is



UMHVERFISSTOFNUN

Snæfellsbær 18. apríl 2016
UST201602-024/B.R.
09.07.01

Efni: Umsókn um leyfi fyrir atvinnustarfsemi í þjóðgarðinum Snæfellsjökli

Umhverfisstofnun hefur mótttekið erindi Fannars Hilmarssonar og Orra Freys Magnússonar, dags. 2. febrúar 2016, vegna umsóknar um leyfi fyrir atvinnustarfsemi í þjóðgarðinum Snæfellsjökli. Sótt er um leyfi til að staðsetja matarvagn sem selur sjávartengdar afurðir við bílastæðið á Djúpalónssandi.

Þjóðgarðurinn Snæfellsjökull var stofnaður 28. júní 2001 og um hann gilda ákvæði 47. og 82. gr. laga um náttúruvernd nr. 60/2013 auk ákvæða reglugerðar nr. 568/2001 um þjóðgarðinn Snæfellsjökul. Umhverfisráðherra staðfesti verndaráætlun þjóðgarðsins Snæfellsjökuls 15. júní 2010 í samræmi við 22. gr. reglugerðarinnar.

Leyfi Umhverfisstofnunar þarf fyrir hvers konar atvinnustarfsemi í þjóðgarðinum. Ferðaþjónusta innan þjóðgarðsins skal skipulögð á grundvelli sjálfbærrar ferðamennsku, sbr. 17. gr. reglugerðar um þjóðgarðinn Snæfellsjökul. Öllum er skylt að ganga vel og snyrtilega um þjóðgarðinn. Ekki má spilla þar gróðri, trufla dýralíf né hrófla við jarðmyndunum. Úrgangi skal komið fyrir í sérstökum sorpílátum, enda er óheimilt að flegja úrgangi eða grafa hann, sbr. 7. gr. reglugerðar nr. 568/2001.

Í þjóðgörðum eru allar athafnir og framkvæmdir sem hafa varanleg áhrif á náttúru svæðisins bannaðar nema þær séu nauðsynlegar til að markmið friðlýsingarinnar náist sbr. 3. mgr. 47. gr. náttúruverndarlaga nr. 60/2013.

Lýsing

Sótt er um leyfi til að staðsetja matarvagn sem selur sjávartengdar afurðir við bílastæðið á Djúpalónssandi.

Áhrifamat

Djúpalónssandur er einn af vinsælustu og fjölsóttustu stöðum þjóðgarðsins og anna bílastæði á svæðinu ekki þeim fjölda sem þangað sækir á sumrin. Aðstæður eru þannig í dag að vagninn yrði annað hvort staðsettur utan vegar, á göngupalli eða bílastæðinu sjálfu. Ekki liggur enn fyrir deiliskipulag fyrir Djúpalón en unnið er að undirbúningi þess.

Í verndaráætlun fyrir þjóðgarðinn Snæfellsjökul segir að tryggja þurfi að aðstaða á fjölförnum stöðum sé þannig úr garði gerð að fjöldi ferðamanna skerði ekki upplifun annarra til að mynda vegna þrengsla á stígum eða bílastæðum o.s.frv. Mikilvægt er að þeir sem koma til þess að njóta náttúrunnar eða friðsældar fái notið hennar án of mikillar truflunar frá öðrum gestum þjóðgarðsins. Stefna þjóðgarðsins er að þjónusta og atvinnustarfsemi sem krefst sérstakrar uppbyggingar sé fyrir utan mörk þjóðgarðsins.

Mikilvægt er að sú starfsemi sem leyfð er í þjóðgarðinum skerði hvorki verndargildi hans né ímynd. Gera þarf ráðstafanir svo að ekki verði reynt á þolmörk þjóðgarðsins og skal ferðaþjónusta innan hans skipulögð á grundvelli sjálfbærrar ferðamennsku.

Umferð á vélknúnum ökutækjum í þjóðgarðinum er ferðamönnum aðeins heimil á vegum og bílastæðum, sbr. 15. gr. reglugerðar nr. 568/2001, sbr. 31. gr. laga nr. 60/2013.

Ráðgjafarefnd þjóðgarðsins Snæfellsjökuls kom saman þann 17. mars 2016 og fundaði um stöðu ferðapjónustu innan þjóðgarðsins. Nefndarmenn voru allir sammála að marka þurfi skýra stefnu um atvinnustarfsemi innan hans í samræmi við reglugerð sem gildir um þjóðgarðinn. Vinna við stefnumörkun er ekki lokið en á fundi ráðgjafarnefndar kom fram að til að hægt væri að heimila atvinnustarfsemi innan svæðisins þá þyrftu innviðir að geta borið þá aukningu sem ný þjónusta leiði af sér. Jafnframt sem stefnt skuli að því að uppbygging húsnæðis sem þjóna á gestum þjóðgarðsins verður á vegum hans en síðan yrði að meginstefnu sá rekstur boðinn út. Ljóst er að innviðir á þeim stöðum sem óskað er eftir uppsetningu umrædds matarvagns á bera ekki aukningu enda innviðir eins og salerni og bílastæði löngu komin yfir þolmörk.

Samkvæmt framansögðu telur Umhverfisstofnun að fyrirhuguð starfsemi samræmist ekki markmiðum þjóðgarðsins og telur að matarsala á svo fjölsóttum stað sé til þess fallin að auka álag á svæðinu.

Niðurstaða

Með vísan til þess sem að framan segir veitir Umhverfisstofnun ekki leyfi til sð staðsetja matarvagn við bílastæðið á Djúpalónssandi.


Kæruheimild

Umhverfisstofnun, með vísun í 91. gr. laga nr. 60/2013 um náttúruvernd, bendir á að heimilt er að kæra ákvörðun Umhverfisstofnunar til til úrskurðarnefndar umhverfis- og auðlindamála. Kæra skal borin fram innan mánaðar frá því að aðila máls var tilkynnt um ákvörðunina sbr. lög 130/2011 um úrskurðarnefnd umhverfis- og auðlindamála.

Virðingarfyllst



Birna Heide Reynisdóttir
Sérfræðingur



Sigrún Agústs dóttir
Sviðsstjóri